



Pou Piblikasyon Imedya: 02/01/2022

GOUVÈNÈ KATHY HOCHUL

GOUVÈNÈ HOCHUL SIYEN LEJISLASYON ISTORIK KI POTE TRANSPARANS AK YON ESTRIKTI RÈGLEMENTÈ KONPLÈ POU MANADJÈ BENEFIS FAMASETIK KI PA RÈGLEMANTE YO

Lejislasyon S.3762/A.1396 pral egzije lisans ak enskripsyon Manadjè Benefis Famasetik yo

Lejislasyon an pral pote transparans nan depans famasi yo ak pèmèt konsomatè yo fè chwa ki pi eklere konsènan swen sante yo

Gouvènè Kathy Hochul te anonse ratifikasyon lejislasyon S.3762/A.1396 ki prevwa lisans ak enskripsyon manadjè benefis famasetik yo. Pwojè lwa a etabli tou devwa ak obligasyon PBM (Manadjè Benefis Famasetik) yo dwe respekte lè y ap bay sèvis ak otorize depatman sèvis finansye a aplike lalwa ak resevwa plent nan men konsomatè, famasi ak founisè swen sante yo.

"Nan mitan yon kriz sante piblik global, li enpòtan pou nou pran tout opòtinite pou amelyore sistèm swen sante a ak redui depans Nouyòkè yo", **Gouvènè Hochul te deklare.** "Lwa istorik sa a kreye estrikti règlementè ki pi konplè nan peyi a pou Manadjè Benefis Famasetik yo, ki ogmante transparans pou konsomatè yo ak pote limyè sou depans medikaman sou preskripsyon yo. Li ka difisil pou jere depans ki asosye avèk medikaman ak asirans yo, kidonk, mwen fyè pou m siyen lejislasyon sa pou rann li tèlman pi fasil".

Lejislasyon S.3762/A.1396 egzije lisans pou manadjè benefis famasetik yo ak presize devwa ak obligasyon yo kòm founisè sèvis. Pwojè lwa sa a pèmèt depatman sèvis finansye a resevwa plent lè yon PBM vyole lwa a epi pral asire PBM yo respekte estanda ke lwa ak règleman an etabli.

Sipèntandan pa Enterim Sèvis Finansye a, Adrienne A. Harris, te deklare.

"Depatman Sèvis Finansye a pare pou egzekite lejislasyon istorik sa a ki te yon priyorite depi lontan pou Depatman an. Règleman Manadjè Benefis Famasetik yo reprezante pwochen etap enpòtan nan lite kont enpak pri medikaman sou preskripsyon ki wo sou konsomatè yo ak prim asirans sante yo. Nou fyè ke Gouvènè Hochul te sekirize rejim règlementè PBM ki pi konplè a nan peyi a epi konfyan nou pral finalman pote refòm ki nesesè nan endistri sa ki pa te règlemanter oparavan".

Senatè Neil Breslin te deklare, "Endistri PBM lan pa te règlemanter depi ase lontan. PBM, isit la nan New York ak atravè peyi a te pwofite mank transparans nan detriman byennèt pasyan yo. Lejislasyon ki santre sou pasyan sa a pral kenbe PBM yo nan yon estanda ekselans ke tout lòt pati konsène nan sistèm swen sante nou an egzije. Mèsi ak Gouvènè Hochul dèské li siyen lejislasyon ki enpòtan anpil sa a".

Richard Gottfried, ki se Manm Asanble, te deklare, "PBM yo rekonèt anpil kòm aktè majè nan ogmante depans medikaman yo. Yo te yon bwat nwa ki fonksyone an sekrè san règleman efikas ak move tretman PBM yo sou famasyen endepandan yo ap vin pi mal pandan plan sante yo melanje avèk famasi an chèn yo. Nouvo Iwa sa a pral bay sipèvizon efikas ak transparans nan sektè sistèm swen sante sa a. Mwen remèsyé Gouvènè Hochul, sipòtè Sena a, Neil Breslin, Prezidan Asanble, Carl Heastie, ak kòlèg mwen yo nan Asanble a, Kevin Cahill ak John McDonald, pou travay di yo nan fè pwojè Iwa sa tounen Iwa".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)